



Broj: 04/5-05-1-374-15/15
Sarajevo, 26. 11. 2015.

PREDMET: Izvješće o posjeti Mike Turnera, predsjedateljem Parlamentarne skupštine NATO-a i članova Kongresa SAD, Sarajevo 20.11.2015.godine

Predsjedatelj Izaslanstva Parlamentarne skupštine Bosne i Hercegovine (PSBiH) u Parlamentarnoj skupštini NATO-a Nikola Lovrinović i član Izaslanstva Asim Sarajlić razgovarali su 20.11.2015.godine u Sarajevu sa članovima Izaslanstva Zastupničkog doma - Kongresa Sjedinjenih Američkih Država, predvođenom kongresmenom i predsjedateljem Parlamentarne skupštine NATO-a Mikeom Turnerom.

Na sastanku, na kojem su pored gospodina Turnera, u visokoj delegaciji Kongresa SAD prisustvovala zastupnice u Zastupničkom domu Kongresa, Loretta Sanchez i Linda Sanchez, te generalni tajnik PS NATO-a David Hobs, otpravnik poslova Veleposlanstva SAD u BiH Paul Horowitz, te njihovi suradnici, glavna tema razgovora bio je proces napretka naše zemlje u okviru euroatlantskih integracija.

Predsjedatelj Lovrinović naveo je kako posjeta delegacije SAD Bosni i Hercegovini dolazi u vrijeme kada naša zemlja na simboličan način obilježava dvadeset godina od Dejtonskog mirovnog sporazuma, koji je građanima BiH, prije svega, donio mir. Ocijenio je da je uloga SAD u uspostavi mira u BiH, procesu obnove i pomirenja, te uspostavi institucija vlasti u našoj zemlji izuzetno značajna. Lovrinović je podsjetio na neprocjenjiv doprinos SAD-a u procesu reforme sektora obrane i sigurnosti, formiranja jedinstvenih Oružanih snaga BiH, kao i policijskih agencija i obavještajnog sektora. Kako je naveo, upravo te jedinstvene, profesionalne i dobro obučene Oružane snage BiH pokazale su se pouzdanim partnerom u koalicijskim snagama u Iraku, u ISAF Misiji u Afganistanu, te EU i UN mirovnim misijama širom svijeta. Naglasio je da se BiH kroz implementaciju Programa partnerstva za mir pokazala kao kredibilan partner, te naglasio da bi daljim aktiviranjem Akcionog plana za članstvo (MAP-a) NATO za BiH poslao snažnu poruku u vezi sa našim dosadašnjim naporima učinjenim na ovom putu.

Član Izaslanstva PSBiH u PSNATO Asim Sarajlić istakao je da ne postoji dilema da li je budućnost naše zemlje u EU ili NATO, kada obje ove integracije predstavljaju naše jasno opredjeljenje. Naglasio je kako bi početak implementacije MAP-a dodatno stabilizirao stanje u BiH, prilikom čega bi se u našu zemlju vratili investitori, a što bi nadalje dodatno pokrenulo ekonomiju BiH. Sarajlić je ukazao i na potrebu dograđivanja zakonodavstva u brojnim oblastima strateških dokumenata, kao što su Sigurnosna politika BiH, Pregled odbrane i Strategija protivminskih akcija. Ističući značaj učešća Vlade SAD i EU na projektu rješavanja viškova naoružanja, naglasio je da naša zemlja u svojim vojnim skladištima ima oko 16 000 tona zastarjele municije i minsko-eksplozivnih sredstava, što predstavlja sve veću opasnost za okolinu u kojoj su ova skladišta locirana.

Predsjedatelj Parlamentarne skupštine NATO-a Mike Turner izrazio je naročito zadovoljstvo zbog

činjenice da on upravo dolazi iz Daytonu, mjesta u kojem je prije 20 godina uspostavljen trajni mir u našoj zemlji. Inače, Izaslanstvo Kongresa SAD iskazala je naročit interes za problematiku rješavanja perspektivne i neperspektivne vojne imovine, kao i pitanje napretka naše zemlje na putu ka EU i NATO integracijama. Razgovarano je također, i o procesu ekonomskih investicija u Bosni i Hercegovini.

Izvještaj sačinio.
Željko Grubešić

PREDSJEDATELJ IZASLANSTVA
Nikola Lovrinović